

律



石倉十二代詩選

明次集卷一百十四

儼山集

大明

華亭陸深著

後學曹學佺閱

本論擬行行重行行

悠悠日將遠思君心甚邇所嗟異居處同生不  
 同里別離既以苦會合諒以難逝川期東海行  
 雲戀故山自知去日貌難比舊時顏出門即遠  
 道雨雪紛浩浩潦泥緇素衣安得白日照矯首  
 念征人憂傷易終老



擬西北有高樓

層樓一何巍亭亭切雲霄綺疏縹緲間欄楯匝  
周遭不知誰居中哀怨逐風飄爲言本邯鄲關  
河望迢迢區區懷苦心三載非一朝援琴以寫  
之意重絲難調初爲陽春曲再行鼓山高妙音  
本絕世賞識何寥寥思爲雙黃鵠比翼與俱翱

擬孟冬寒氣至

歲盈易寒風曠野何蕭條深居戒遠趾四壁亦  
飄搖陽和日已往陰沍日已驕門外遠書至啓

函知故交慰我以好音期我以明昭感茲殷勤  
意千載詎能銷素心抱愚衷欲吐還自譎

因次贈別徐昌國二首

北風起天未送子城東闔願言遲數里欵欵得  
具陳我有一端綺持以贈夫君不願爲黼黻不  
願爲袴視願爲平居服昏旦常相親垢敝悉棄  
捐愛惜情如新

北風吹我襟望子不得見跂立恨足短淚落迸



如霰草樹搖寒涼二曜急流電游子在路岐襦  
薄馬悲顫未明戒先驅薄暮苦後殿空谷多松  
栢念此步不進

南望水遊舟不得去同行者謀就陸戲成  
自慰

春江多柳花風起花還飛夕陽斂飄蕩委地相  
因依行止諒有數早暮同所歸百年總行旅安  
用長歎歛義和無東回安樂誠幾希眇焉泣岐  
子人遠事已非飄飄山水間志願良不違朝多

清風來暮多繁星輝古稱太史公千載欽嘉徽

和趙顥菴燈花

頌君燈花篇值我燈花燦旖旎欲浮香敷披似  
春半圓朶競霞呈岐枝誤星散娛翫夜三更遲  
回腸九轉獻祥諒無私涼德歌有覲南郊禮將  
成預兆明庭宴無藉春風吹偶見春風面影搖  
畫屏斜葢墮銀檠亂君才本天妙况復論交淡  
麗藻凌六朝高風駕前彥倘許望後塵鉛槧從  
茲辦寒燈復作花政爾從人願



儼山精舍晚意

風蟬咽翹林江鷗泳別渚雲霞變初秋焦枯慰  
時雨豈乏凌冲志蓬瀛渺何許兀坐當軒楹涼  
飈滿衣苧中炯常晏如外紛亦屢拒會心適寡  
諧顧影聞獨語  
雜詩  
四叙若鱗次君子感變遷昨日夏熱酷今夕秋  
月鮮涼飈振天末草樹失故妍玄鳥逝將返蒼  
鷹厲高鶩苟無阻風人何以卒歲年

古井春無泉槁木夏無枝仲尼歎糞土詩人詠  
德基中夕起坐歎歎息將奚爲去者日以遠來  
者安可期不見令名士監古乃得師

濛濛江天雨遙遙湖水船誰施巨靈斧擘此青  
數拳縹緲呈夏雲嬋娟隔春煙雖乏衛公識偏  
懷米生顛蹇予頗好奇有癖在林泉肩輿度壑  
暝孤榜逐溪緣品視剔苔蘚摩挲計雕鐫遄歸



亦乘興臥遊裁短篇

聽雨

撼撼入葦際蕭蕭自簷楹幽居忽復旦迥野薄  
江城偃息從茲始塵鞅詎能嬰園田被膏潤琴  
書有餘清浮生本未定毀譽等陰晴聊有盈觴  
酒獨酌慰幽情

九月朔晨興

落葉紛可掃客行殊未歸大化無停運倦翼多  
卑飛凌寒懷執熱撫序悲授衣物候變南北世

故有依違晦朔成代謝所嗟知者稀

贈別汪天啓同年

借問何所悲相知新別離掩袂各揮涕步步不  
得辭恐墮兒女情揮酒盡一卮念我同門友高  
舉振羽儀東西各有適與子願獨偕意多覺別  
促情親身不違仰眎白日速嗟此道上泥久要  
四海志歲年空路岐慷慨發我歌我歌當向誰  
諒子重察識會面知有期

過黃憲墓



歷代詩選 明陸文福 五  
當年自無營千古如識面安用金石堅始知儀  
秦賤曉行襄江濱殘月墜西堰溟濛草露晞  
鼻標題見相從牛醫來古意倘未變

送徐昌穀湖南纂修

取友在異世貴此肝膽通與子在鄉國筆硯亦  
屢同一別歲月速那得不匆匆宵戒盈觴酒起  
視夜方中追子恐弗及綢繆叙難終爽居長安  
道參商各西東况茲萬里隔目斷雙飛鴻江湄  
長芳草鬱紆傷我衷

雜詩

覽鏡難自持容顏豈常好秋高風露勁黃葉紛  
弱草豈無長生藥馳心遠至道淨宇澄垢懷冥  
觀契玄造遲迴三十年念此苦不早瑤池與玄  
圃微風蕩芝草  
宿佑聖觀候明發  
宦業祇簿領游日曠林泉偶此山陰雪來衝竇  
中煙新陽一以長天道會好還招邀復材彥探  
討事幽玄初遵潛虬壑還過種玉田曲檻俯躍



鱗盤空墮飛鳶時聞林端磬幾遇雲外僊相將  
願有遂所適期無前

安山道中晚棹

洋洋水波逝永欽川上懷遂將去齊魯明當度  
江淮遠役謝塵鞅高居理茅齋沙田二三頃婉  
變東海涯芳春景物麗夕陽襟抱佳耕讀有遺  
軌長使願無乖

近田詩

并序

太宰松臯翁作近田詩以示其冢子俱

原本賦與奉以為別號深讀其詩序窺見翁之

然賦與實學近裏若此因和一章近世有講學

漸無味者長虛驚遠賴翁此作可以一變深亦

野姑輒為之惕然蓋不獨可以傳之一家也與

四十賦其實之

國風驕甫田鄒孟戒捨已載歌許近田取譬同

一理系本太岳後繼世累金紫煌煌示新篇下

帶有深旨西周帝王畿累世由農起致廣本慎

微舉遠必自邇請觀阡陌間東西僅尺咫耕耘



貴及時稼穡便佐使屨杖傍門廬饁餉出童婢  
收成俄頃間焉用枉邁迤請君聽我歌我本田  
家子  
晨興見白髮  
四十期有聞覽鏡髮改素古人悲染絲一變不  
復故神王自中恬形勞豈外慕伊余本懦儒履  
滿每知懼悟言養生篇引領遂初賦大化運自  
然顏景不可駐達人固忘我君子保末路華落  
見本根相將歲寒暮

黃金送王存約赴惠州

朱方赤日永揚舲江路長亮無沉湘賦寧少伐  
木章川原孕靈淑藻麗發景光冲抱秉素尚令  
德藹餘芳德音幸無阻一寄鱗鴻將莫以仳別  
恨置此冰炭腸地理任險易天運變炎涼  
吳中新刻臨川集甚佳雙江聶文蔚持以  
贈因見贈携之舟中開帙感懷寄詩爲謝  
少小有書未能讀暮年好書讀不得豈惟簿領  
少餘閒兩眼冥蒙淚旋拭簾前見物私自憐霧



歷代詩選  
皇都十載具官充史職長安朋輩心  
多同古典探搜事尤力荆文丞相宋熙豐國監  
遺文舊常刻倚予謬司六館成手許校磨工未  
卽當今模棗稱吳中唐模宋棗俱竒特是非本  
定空愛憎報復何窮恣翻覆文章功業兩難朽  
治亂興亡三太息蘇州太守古鄴侯貽我遠勝  
黃金億樓船風雨滿章江把玩新編坐相憶

次答姚子明石屏歌

乾坤竒秀皆儲精老我山水偏多情是中猶有  
愛石癖一見竒石雙眼明十年去國行八省叅  
謁咨請兼逢迎晚蒙 聖恩召自蜀置之金馬  
白玉京晨趨黃扉暮紫闥左圖右史心無營賜  
金月俸有餘鎗買得一屏當座橫人言此屏本  
無價我亦得意還若驚煙雲縹緲天台路巖壑  
隱映芙蓉城瑤池東來降王母仙掌擘出煩巨  
靈有時對坐一長嘯便覺毛骨隨風輕滇南蒙



歷代詩選 卷之九  
段昔開國此石充貢萬里程携歸東海添秀氣  
聊與平泉作後塵得君長歌更增重五色光燄  
輝文衡

竹齋歌

君不見仙尉齋前數竿竹勁於龍額嫩於玉向  
晚冰霜如有情多時盤筯寧無肉一從手種春  
雨餘搖動青冥散炎燠未論留汗等琬琰先須  
截管諧琴筑會聞子猷傲山陰何如衛武歌淇  
澳虛齋中含八面涼恍疑瀟湘秋萬斛軒窗隱

映月漸移枕簟飄蕭粉初撲堪擬封侯自千畝  
正有幽人在空谷凍雷驚筍起臥龍恠石蟠根  
解群鹿遶簷日日報平安一歲清風三百六齋  
中本是瀟灑人歲寒之交元有神當年隨計赴  
上國尚書宰相俱心親人言松栢並竒操共  
愛金玉尋芳鄰燕京爭誇見彷彿黃金別築高  
嶙峋劍江回首舊隱地花縣拜命新行春竭來  
小試釣鰲手東海裊裊垂絲綸九苞彩鳳下覽  
德千里青雲高致身仇香枳棘昔同調蔣詡徑



歷代詩選 明陸文祚 卷一  
路今通津甃將形影照南浦若比甘棠尤逼真  
我歌竹齋君試聽 天子用爾清風塵會須嘯  
谷逢伶倫

岐陽石屏歌

岐陽之民像侯德遠致山中一片石依稀宛見  
城郭面彷彿尚帶山川迹一從乘驄換五馬霧  
渚煙村坐來隔摩挲三復如有情指麾從吏貽  
江濱長卿多病枕書臥驚起門外高嶙峋倒屣  
相迎問來使開械再拜生陽春荷侯此惠百感

集媿我家徒四壁立忽焉屋底開幕晴搖蕩虛  
無翠寒濕新恩舊惠俱在眼萬壑千巖互相入  
滇南大理空自珍江上數峰尤絕倫天然飛走  
肖麟鳳瑟爾瑩潤同瑤珉坐當保障屹不動豈  
免覩物終懷人自是侯家有餘積留待他年隔  
朝席泥金孔雀映芙蓉郎君近作乘龍客胡爲  
致之向儒素恐使湘靈動深惜君不見唐朝太  
宗重畿甸遍題姓字留宸眷天生異質當大用  
安得隨君獻入光明殿



大風

雄風括地西北來吹我狐裘薄如紙  
吳兒愛熱不耐冷我亦何爲行至此  
丈夫有志事四方阮籍劉伶畏生死  
有人逐日走未休有鳥銜石填海水  
此事無成節可壯錦帳紅爐是誰子  
河山三晉古有靈前唐神堯後唐李  
兩家際會未易同風虎雲龍共時起  
紅塵莫漫障白日待汝終朝聊爾耳

贈別殷子

殷子有奇骨昂藏若駿馬康莊在遠道  
伏櫪甘土苴長安一朝別我去再三  
挽留不能住潞河新有下灘船到家  
正及朱炎暮君家本在齊魯墟楓林  
瑟瑟臨前除小樓畫檻蔭林樾中有  
前世千卷書北窻慈母髮垂領倚門  
望兒悲短景小第今年十四五弄筆  
時時學馳騁上奉母顏下課第日有  
餘功擬叢桂病骨偏宜秋氣涼藥囊  
閒却參苓劑登高廻睇望泰山恍見  
仙人時往還翩翩白鶴不可借流光  
日夜凋朱顏朱顏



歷代詩選 明陸文裕  
一往那再復惟有功名留汗竹志士偏增日暮  
悲佳人易感窮途哭憶昔虛堂坐論文辭鋒往  
往追先秦談詩屈指數漢魏歎息六代何無人  
殷子竒氣鮮有匹人間八寶光耀日吳郡徐子  
吾畏友每每到君賞高逸君不見九方臯胡能  
按譜求馬毛願子加餐善自愛天閑十二終當  
豢爾曹

題文徵明畫

筆下塵埃一點無開圖知是賀家湖秋風九月

菰蒲听横着溪舟看浴鳧阿明此藝稱獨步前  
身妙絕元姓顧安得置之水晶宮臥看雲煙落  
毫素

東池

梅花白雪塢楊柳綠煙隄野曠春偏晚江深日  
又西爲尋彭澤幸如到武陵溪茅屋人家裏時  
時聞鳥啼

從丹鳳前渡江

春色臨江閣年光遍海城東風吹又轉芳草望



歷代詩選 明陸文裕  
還生天路青雲迥鷗波白羽輕平生濟川意野  
渡更分明

江上登望

江流何渺渺孤帆澹秋暉遙知三山近復送百  
川歸蜃樓橫碧落龍湫臨翠微徘徊那可極返  
照上人衣

亭素端陽

畎畝驚時序端陽復早晴遙知 宜賜裏空有  
侍臣名舟子漁龍渡騷人醕酒情千年渾舊俗

地接楚江城

五月七日雨中宿觀瀾亭

溽雨江天暗通宵水氣多壯心驚歲月人語隔  
煙波舟楫供高枕江湖付短策浮沉聊爾爾擊  
節自長歌

五月晦江上送宋義卿民部

重五期不至望六送行舟梅雨快初霽荷風如  
早秋天涯俱宦轍江上倍離憂欲采幽芳贈因  
過杜若洲



別朱升之

淺交多別語情極易忘言送客風生舵懷人月  
到門夜長偏旅榻秋早是江村復向論心地何  
年共一樽

與張山人夜渡

入夜水雲濶煙霏共渺茫遙空聞鴈陣遠火識  
魚榔野渡虛舟楫寒更犯雪霜吾衰倦行役復  
此戀江鄉

臘庚申雨中步出西郊視葬先兄素菴

和淚北風雨傷心西郭墳江聲空逝水山色有  
浮雲未起隆中臥先修地下文池塘春又到南  
鴈不堪聞

和答黃勉之

國器推豪俊鄉評熟姓名風流同偃蹇歌調獨  
淒清故里層雲映長河片月生非君敦素尚老  
去若為情

和劉仲素雞鳴山

步入招提境下方秋水浮雪深枯壁定雲遶遠



歷代詩選 明陸文輝 五  
江愁鐘伴黃昏去泉依白石流共僧分一榻十  
日不梳頭

人日過徐子容

積雪霽人日苦寒欺客襟相看一杯酒不負百  
年心劉向俱中秘相如獨上林共君回首地十  
載賦春陰

予入晉以四月二日宿權店三日過南關  
抵盤陀八月東巡亦以二日抵權店是晚  
遂宿南關三日午餉盤陀豈有定數耶

一飯盤陀驛青山是再來登臨殊不盡節物苦  
相催樹色庭除合秋衣篋筥開天涯俱作客去  
住莫驚猜

入平定州

雪擁頻回馬山寒少見人歲長不記曆風暖卽  
知春泉石謀生薄煙雲卽事新此中有真隱能  
望豈能親

登祭江亭

春深羊傅廟江湧鹿門山一上孤亭望遙空獨



鶴還浪沙明浴日苔砌暈成斑者舊登臨地高  
風乍可攀

聖世車廐驛乘潮順風北下

人生快心事風水送歸舟况復青山曲頻過碧  
樹洲草深藏乳鴨波遠沒輕鷗苦愛觀風地終  
慚爲國謀

上虞道中

山海無藏秀乾坤有奧區土風兼百粵習氣近  
三吳潮落曹娥渡天垂賀監湖畫船牽錦纜時

復下菰蒲

春分日大風

九十日春分一半四千里路長風沙寒衣欲變  
難爲客曉夢無憑數到家關塞每憐新過鴈山  
城深護未開花向陽曠有閒庭院滿意東來吹  
帳紗

大風

昨夜雨沙今大風美人高閣怨飛蓬柳條萬結  
渾欲斷梨花一株容易空豈是宋都過退鷁亦



歷代詩選  
出北城與嚴唯中倪本端同行  
愁鄉信阻歸鴻江南茅屋吾所愛莫教吹捲漾  
西東

出北城與嚴唯中倪本端同行

天門積雨洗炎蒸日射西山紫翠層白髮先朝  
老供奉青衫騎馬向諸陵幸陪鴛侶時相並  
欲挽龍髯却未能流水稻田城北路去來吾記  
昔年曾

對月

庭樹扶疎月轉陰煙銷畫燭候虫吟隔簾秋色

三千里伴影離人一片心門寂紅顏頻對鏡帳  
寒清夢尚揮金去年燕趙今吳楚指點明年意  
更深

秦淮漁笛

桃花新水滿江流一棹波連白鷺洲網趁夕陽  
魚在貫酒隨村店蟻初筍高懷閒弄江梅曉古  
調遙翻嶰竹秋幾度曲終潮正落從人指點說  
東遊

子殤後一首



小巷深深日似年柴門寂寂掩風煙一川花柳  
春無賴三五嬋娟夜可憐狼籍頭顱多殢酒飄  
搖風雨但高眠少年事業真堪笑囊有殘詩近  
百篇

晚泊

風濤滿日月黃昏晚泊澄湖獨樹村漁艇隔溪  
常宿火茅茨臨水半開門夢從五夜多逢赦人  
過中年易感恩聖主如天司節候陽和須向  
歲寒論

丹陽孫思和東遊每當山水勝處輒繪爲  
圖冬夕過儼山示我光福一段賦此

看君畫裏汎扁舟今夕披圖數勝遊水面青峰  
七十二山腰黃橘幾千頭帆開遠影江湖濶天  
接中央日月浮試問虎溪橋外水爲誰煙浪下  
蘇州

次韻白鴈

來從星漢下瀟湘粧點楓林入醉鄉錦字傳情  
通萬里銀箏移柱送斜行溶溶月色憐孤影渺



渺歸心滯晚霜堪歎揚雄頭盡白惟將羽獵奏  
君王

和答胡汝載

瓊林珠閣不勝寒慚負時趨白玉闌獨抱琴書  
就寂寞誰從花竹問平安沈腰已瘦頻移帶潘  
鬢新添欲滿冠相對長安同作客棧詩特地勸  
加餐

慈化早起喜晴遂發

兩宿僧房病後身高情聊與白雲親青山似畫

閒情少紅日如輪世路新吳楚地連多客戶瀟  
湘天遠有騷人南中歲晚饒風雨愛聽鐘聲報  
四鄰

別李時元下第

吳山蒼蒼共燈火潞河悠悠卽去途乍可後期  
還磊落那因遠適悲江湖晴風浪搖四月麥宿  
雨帆輕十幅蒲南國詩成須早寄風塵清夢客  
樓孤

和易欽之宿廣恩寺



春日忻逢水西寺入門無數香煙疑鄉園千里  
遠作客塵土十年終愧僧風光每向閒邊見山  
色試憑高處登未問西來栢子樹可憐清沼玉  
壺冰

視牲

向晚郊壇第幾巡願儲精意奉明禋去來路熟  
渾忘遠西北山多欲礙春終見牛羊歌帝右未  
因麤鼠變齋晨東風又遍天街草  
御輦須憐  
碧玉茵

食菱

曲曲菱歌江上秋畫船歸近望江樓北來物色  
渾如玉南望鄉關第幾州風味疑從仙掌墜水  
芳曾傍錦雲浮歲寒獨在佳人惠消得相如一  
片愁

初試羊毳予有一端藏箬中者十年茲教  
內館始製爲衣以禦北風感而有作

蕭颯頭顱感是非半生何敢愛輕肥相將歲晚  
看新製指點年華亦故衣北郭嚴凝隨瘦馬西



歷代詩選 明陸文裕  
州辛苦到殘機病來却恐渾憔悴且試休文舊  
帶圍

和宮端後渠玉亭賞蓮之作

玉亭清切五雲邊  
盆沼誰移玉井蓮  
來賞正逢初過雨  
倚看須著半含煙  
何妨絕代稱君子  
擬前身是水僊  
四十年來同榜客  
一尊相屬醉花前

遊儲芋西園池乘月夜汎

峰巒巖壑俯中流  
何處三山與十洲  
新雨不妨

泥滑滑好風先送水  
悠悠鷗無機事迎人下  
客有高懷盡日留  
向晚星河迷上下  
笙歌燈火木蘭舟

歲暮風雨中發藏書示楫子

歲寒風雨合江樓  
燈火樓頭數夕留  
新命誤蒙吾已老  
舊書多在子  
須收星辰萬里趨  
關塞環珮三朝侍  
冕旒抱得寸心終  
許國未應猿鶴怨  
林丘



蕭蕭竹樹夾溪深一雨初晴長綠陰真意倘違  
空老大野芳雖少亦山林好風似舊穿高榻流  
水如知繞素琴東去大江知到海爲誰煙浪送  
歸心  
雨中宴莊氏東園留題山亭  
洞中山石俯波光窻外林花薦野芳况有管絃  
相映發儘教風雨佐清狂虛疑四老煙霞地正  
是三江雲水鄉我欲卜鄰剛望想自應傳社草  
篇章

秋日無聊偶然作

問余何事每悽然尺璧光陰閱歲年舊讀書今  
存蠹穴新縫貂已剩鶉懸常餘孤枕還鄉夢頻  
乞東家買藥錢自信英雄須到骨業身隨處了  
塵緣

贈別尤宗陽還吳門

臨岐莫恠恨暗暗投贈天涯紙半函澤國鄉音  
三泖北江湖夜雨一燈南浮蹤去住僧留偈世  
味寒溫佛飽叅歸去若逢人問訊文章何用學



春蠶

喬白巖太宰家山留題在邇亭

晉陽文物上卿家小作江山殿歲華望到白巖  
明玉雪絲來綠野鎖煙霞雲窗覆奕傳仙譜石  
室藏書帶相麻同是登臨還在邇遠尋何用訪  
丹砂

書院池亭忽有玄鶴下集因養于庭

橫空一鶴下危闌隱隱丹砂變羽翰疑是歸鴻  
須繫帛休將野鳥誤稱鸞青田到後雲天遠北

海從來歲月寬飲啄漸馴宜試舞客衣偏感化  
長安

東阿道中對雪

天爲山行借雪看路隨天遠更漫漫詩成驢背  
偏如意病後狐裘少耐寒授簡有才懷帝子折  
梅無使寄長安惟餘一片郊原興白馬翩翩拂  
未乾

送胡汝載丞武昌

詩律從來徹骨清哦松端不負茲行星辰南斗



歷代詩選 明隆文編  
占郎位江漢西來抱縣城鸚鵡洲邊芳草合鳳  
凰臺上遠山晴春明門外衝寒別欲折梅花重  
有情

蕭海鈞文明先生挽詩  
朝野名傳翰墨餘白頭空有讀殘書南方秋早  
逢搖落四海人多問起居塞下當年曾失馬鈞  
絲終歲竟忘魚八哀此日還成賦慚愧先生識  
面疎

連日遲李獻吉不至作

幾日都門長者車風塵不見正愁予只今對面  
還千里何處相思有尺書秋色天涯催客暮山  
光樓外爲誰舒空歌杖柱回長嘯終愧緇衣歎  
索居

送何文徵赴開州

江東文藻竟誰如新綰銅章左佩魚天上風雲  
元咫尺兵前草木正蕭疎煙樓夜遶三刀夢露  
冕春行五馬車便欲修成循吏傳卽看名滿薦  
賢書



宿常山集真觀

病懷自愛尋山憇  
面面芙蓉映遠峰  
向晚樓臺棲宿霧  
報晴鐘鼓動秋風  
千重地脉閩關北  
八月星槎浙水東  
懷國望鄉俱不極  
無龕燈火翠微中

遊武夷

清遊妙得此山中  
一度來過一不同  
泉石煙霞時上下  
陰陽昏曉自西東  
溪流九曲層層去  
雲鎖千峰面面通  
向晚天風墮僊樂  
月明知是武夷

夷宮

次韻答萬石梁大叅

得陪騶從出城遊  
况愛煙嵐向晚收  
揚子何心能頌莽  
仲宣無計且依劉  
林間鳥並鵲聲急  
雲裏江分燕尾流  
酒量近來因病減  
令人苦憶醉鄉侯

病後閉關

萬里橋邊萬里身  
西風撼撼鬢毛新  
天應憐我長為客  
事到求名始累人  
蒲院蒼苔行省宅  
一



歷代詩選 明陸文龍  
川黃葉大江濱少陵老去多秋興且傍雲山結  
四鄰

送皇甫子循謫黃州推官

雪堂舊路君重到赤壁文章五百年一向東曹  
分郡檄却從南斗望台躔流塵遠道征袍上宿  
雨清秋客鬢前明發大江過夏口中流應有濟  
川船

劉都閫以紅花本見貽

才賞名花當送春移根西向伴吟身爲誰池館

能憐舊到手風光又斬新謝令空題紅芍藥杜  
陵偏感白頭人公庭事簡餘芳草留取青枝襯  
綠茵

自睢陽入梁有懷何鴈峰憲副

雲間遂作三秋別濠上相爲一宿淹人世百年  
悲喜共容程千里雨晴兼棠陰鶴乳思方去玉  
節金符令更嚴後夜梁園回首望鼓城山月水  
晶簾

午後微雨明早發中江新漲壞橋拿舟而



歷代詩選 明陸文淵 卷之八  
渡始知四郊得雨甚渥

泉聲曲曲度江心知是前山雨化霖巫峽風煙  
天漠漠巴渝歌舞曉陰陰春回穉穉連村合涼  
沁芭蕉到骨深 聖主中興多法古宣王雲漢  
有遺音

十二日復得雨大是七疊

浪博虛名媿此心真成三日雨爲霖溪聲一夜  
喧新漲雲氣千峰結晚陰喜極翻嫌歌管脆病  
餘渾怯酒杯深窻前最愛芭蕉響疑有人傳太

古音

十一月二十日次太年驛見梅花和謝僉

憲邦正壁間韻

山雲黯黯復冥冥釀雪爲霖總未成忽見梅花  
如着意卽看詩草可憐生月來粉堞渾無影風  
度黃昏似有聲况與歲寒期更早玉人消息最  
分明

潞河候水次張石川韻

心同野鶴志高飛學得屠龍與願違魂夢九天



雙鳳闕江湖滿地一漁磯安身已辦烏皮几稱  
體新裁白苧衣賴有河邊同載客不應林下見  
猶稀

青羊宮餞顧願齋卽事

青羊翠栢白雲阿又是春風一度過宿霧欲收  
初露晷餘寒猶在薄侵羅行邊巷陌流塵遠物  
外樓臺勝事多無數鄉心山水隔酒闌重與聽  
驪歌

古音西巖詩

我愛西巖好風光足大觀微茫分太液咫尺是  
長安

過宋玉墓

楚國餘文藻當春邁故丘爲君悲不已安敢向  
高秋

方春野挽詞

春野依然在春風依舊來去年巢裏燕不見主  
人回

書扇寄李百朋



錦浪生春水茅亭盡日孤十年身不病天遠共  
江湖

水郭江村不受塵惟將石竹伴閒身玲瓏漏月  
看雲骨瀟灑含風對玉人

掉臂歸來萬里身倚闌無數物華新細尋往事  
知多少我是明年五十人

溪山疊疊雪初寒江水悠悠一釣竿着得羊裘  
竟何益簑衣和月下前灘

題陸封君怡梅卷

我家放鶴坡頭樹種近西湖處士居獨板橋邊  
山十里杖藜來探雪晴初

爲方思道題畫眉折柳

中山紫翠護層層合起高樓對雨凭愛汝一雙  
花底鳥爲春啼殺海棠陵

任城題楊閭直夫泉香書屋



歷代詩選 明陸文裕  
水紋花氣鬪精神疑是成都賣卜人傳得一區  
揚子宅藥苗閒洗雨中春

馬嵬

秦關山勢拂雲來才過驪山又馬嵬今日豈知  
當日事澗花含笑爲誰開

寄南莊

相看無限故園情獨倚西樓向晚晴秋水一奩  
天上下蒹花楓葉隔江城

題悅茶卷

水竹交居事事宜更將春思鬪槍旗分符調得  
中冷到未放鬆陰鶴夢遲

題馬麟畫蘭

秋風九畹正離離畫裏相看一兩枝欲寄所思  
無奈遠閒拈湘管對題詩

壽楊察院次壁間韻二首

無心隨處夢魂安古栢臺深五月寒自笑青山  
老居士松牕閒殺舊蒲團

疎慵聊與拙相安華髮蕭蕭鏡裏寒門掩萬山



深院靜古槐成蓋綠陰團

陸

楫

字思豫文裕之子  
有蒹葭堂集

送朱象岡北上用唐雲山韻

羨子青雲士携書恣遠遊  
望迷吳苑樹愁共楚江流  
舞劍催尊酒啼鶯送客舟  
秋風知得意未許伴沙鷗

庚戌端陽日約馮江樓不至

昨夜天涯客今宵江上臺  
林鶯背花語蒲酒待君開  
蕉葉誰題句松根自掃苔  
日斜期不到翹

首獨徘徊

寄戴鳳梧

馬策燕臺路帆分易水秋  
煙霜悲鼓瑟塵土愧征裘  
故國多衰草寒江有釣舟  
山陰風雪夜此興爲君酬

北上留別朱岱輿

龍江春水漲晴沙芳草王孫又別家  
鄉國傷心兼日暮故人分手即天涯  
我無寶劍冲寒斗君有文章絢彩霞  
他日長安倘聯轡與君同看上



林花

七夕和孫明府

海外層城傍斗牛  
嫦娥宮闕夜偏幽  
忽驚鶴馭來蓬島  
疑有鸞笙度玉樓  
天上佳期惟此夕  
江南清景最宜秋  
天孫何事傷離別  
淚滴長河不盡頭

送潘竹菴歸海門兼問鷺汀鹿汀鶴汀崔

氏三兄

城隅立馬暫躊躇  
日暮留君欲引裾  
風滿鸞帆

催客權花飛鳧渚  
亂鯨魚千行綠樹  
人何處兩岫青山  
畫不如爲問三汀  
崔伯仲年來讀盡五  
車書

送文仰古少尹陞王府紀善

少尹新遷近  
帝畿攀轅此日共  
依依農多百穀滋  
春雨院有雙松戀  
夕暉洛社高風千古振  
留都賢相至今傳  
漢家惟有河間在  
老去文章尚不遺

送沈瞻嶽上太學



歷代詩選  
明陸思象  
三  
絲絲江柳別情牽送爾西遊更渺然魏闕曉雲  
瞻王氣園橋春水弄晴煙百王盛典尊文廟六  
館羣英聚講筵最羨沈郎詞藻富揮毫先草  
帝京篇

題遠峰卷

草堂虛敞對羣山日日鈎簾意獨閒度海亂雲  
封畫戟洗天涼雨濕青鬟秋高古樹微茫裏日  
暮層巒縹緲間自是謝公多逸興每携僧屐恣  
躋攀

寄李雲塘

樽酒論文意獨傾廿年誰改歲寒盟傳經有道  
稱方叔獻賦無緣愧士衡湖渚春深飛乳燕江  
園花老送流鶯臨風好寄相思曲倚遍闌干月  
正明

丁未春日黃玉淙節推登山樓有作因和  
經遊秋日最清嘉天使同臨隔歲華宿雨弄  
晴藏石燕早春迎客對山花苔粘短屐穿林外  
樹隱停驂傍水涯阜蓋莫嫌歸去晚一林殘照



興還賒

又

江口樓臺霽色賒東風簾幙護韶華  
慚無醉客葡萄酒喜有隔林桃杏花  
野鳥嬌歌聞竹裏使君甘雨遍天涯  
爭誇王勃多詞藻賦罷憑闌送落霞

次韻送顧龍山南歸

官河春水送行舟君去匆匆不可留  
須信故園春正好莫因風雨駐楊州

初夏山居小集

薰風池館覆重陰傳得琵琶到客心  
更喜餘香吹不盡斜陽樹底酒杯深

送唐晉泉遊金陵

山川佳麗帝王州相送憐君幾度遊  
他夜月中吹玉管有人遙憶鳳凰樓

送古谿家兄遊太和

吳江月色一天白楚峽柳條千樹青  
扁舟南望不可極渺渺平原飛鵲鶉



不讀書怡靜卷

氣無餘

小構茆齋水郭西蒼苔白石愛幽棲日長自掃

蒲團坐厭聽春風亂鳥啼

知正管水人

知不

知不

知不

知不

知不

石倉十二代詩選

明次集卷一百十五

鈐山堂集

大明

後學曹學詮閱

分宜嚴嵩著

雪霽登鈐山

千峰積瑤素寰宇映空明仙人好赤脚獨躡層

氷行疊石疑瓊島高樓思玉京勁風仍振木朗

月已輝城永夜山中宿山泉松澗鳴

山塘

山塘深且廣遷迤抱山麓隔浦見人家依依桑



柘綠日落煙水寒  
遶塘飛屬玉

仰天岡

石磴盤秋蘿危亭出峰樹  
行人上山道望望雲  
飛處洞口晚鐘聲林僧獨歸去

雁洲宿

山登極嶺呬野適忽夷曠  
清澗屢寒涉綠疇彌  
晚望冰亭荷芰開園屋雲松傍  
應憐雁洲宿絕  
勝剡溪訪

迴鑾詩

長楊騎火紅漢帝夜還宮  
觀兵誇出塞獻捷賀  
平戎旌竿颭飛雪鏡吹喧  
高空百琛陳闕下八  
駿遊寰中千歲昇平樂  
懽懽曲難終

如松江訪陸太史先申寄贈

菰听雨聲急松門煙浪深  
沿洄趣易愜懷望思  
難任雲物中夏賞湖天  
孤嶼唵曖曖沙中樹悠  
悠波上禽臨溪聽黃鳥  
拂石理瑤琴總多山水  
興兼耐別離心

待曙樓



歷代詩選  
卷之五  
聞鐘起振衣展席坐東扉松巖微月墮花林芳  
露晞悟澹境方寂遣俗慮應稀稍稍晨光集衆  
禽川上飛

答用修見贈

鷄鶩爭稻梁鳳凰食琅玕感惻念物理沉冥結  
憂端俛仰宇宙間知己良獨難我友在遠方欲  
往從遊盤岷江阻奔洶劍嶺間噴岓緬懷九苞  
質詎接雙飛翰睽離經歲改栖息喟形單劓苓  
春雨暮采菊秋露溥明后應天曆衆賢集衣冠

菴忽千里至執手平生歡濯纓升博望蹕轡遊  
長安愧比蕭艾姿芳馨託幽蘭幸容竽跡濫莫  
遣膠盟寒晤言期誰與懷抱爲君殫

贈友

北風吹層波高帆疾於馬矯首望雲山日夕到  
鄉舍親友慰遠歸春杯正堪把故園多所歡薄  
宦何爲者

觀音巖同浚川王司馬作

久懷名山遊登賞春已暮言尋紫芝約頗適滄



洲趣巉巉石抱城泯泯江流霧憇礪挹飛泉攀  
蘿蔭芳樹臨川足魚鳥攬澤多蘅茝興發揮綠  
觴浩歌誰與晤羽水隔煙濤蓬瀛渺天路豈無  
乘鶴僊雲中自來去人世多囂塵流光草間露  
嘉會良足怡轉盼已成故何當巢雲松脫跡葆  
貞素

臯林媚晴春宛若綺繡錯岷江滙洪波九派悉  
輸約仄疊萬古磯懸崖出飛閣崖中白衣士跌  
坐澹虛泊祇苑遺俗氛巖花自開落俯窺羣象

杳仰視天宇濶昔賢已登臨異代不可作竭來  
奉佳遊轉使吏情薄欲釣任公鰲還夢坡仙鶴  
青山何寥寥白石亦鑿鑿寄謝同心侶且永今  
夕樂

和顧中丞出息東郊西舍

息駕追夙遊藝疇戒春作繅繭已眠蠶探殼忽  
成鵲林英紛委地奈此風雨惡芊綿原隰引聯  
絡溝塍錯疊石群岫移誅茅數椽縛寧希金懸  
肘賴有田負郭燦燦霞冠岑涓涓泉赴壑確雉



當坐隅嗥犬出叢薄牀橫元亮琴架貯韓康藥  
雅志璞仍懷浮榮徒應脫豈異子雲居草玄甘  
寂寞

觀音山作

晨霽煙景豁平流淨如掌魚鳥遂飛潛舟艦相  
下上具美信難期朋宴娛春賞何當風雨冥來  
閱驚濤壯

陽峰詩爲大學士張公賦

岷江浩東注噴薄萬派盈孤巘俯江際芙蓉如

削成綺麗地靈結岩堯天柱擎雲物互吞吐島  
嶼相迴縈伊人秉幽尚興與山水并結屋面其  
勝林巷有餘清波光動遠浦秀色來前楹一朝  
邁休運應卜登承明介節立萬仞陽德敷烝氓  
扶輿發清淑川阜儲精英申甫本嶽降傳說起  
巖耕茲山在遐服四海稱佳名

松臯書屋詩爲少保許公賦

嵩洛紀名勝巘嶠分接連中有萬松樹蒼蒼入  
雲煙樛枝鸞鶴舞偃蓋蛟龍騫上宰契高致結



屋長林邊聽濤過絕澗撫翠倚層巔直節聳千  
仞美蔭覆八埏時卉豈不榮愛此晚節堅且聞  
啖脂術皓若崆峒僊風霜旣多歷雨露矧乃偏  
幽真媿令德因之謨永年

賦得鷲子磯送華兵部南行

遙川滙洪流疊嶂疑黛色巉鑿萬古磯嵌空置  
禪室恍若臨普陀大士坐趺膝香煙出杳靄鐘  
鼓逝晨夕座裏紛雲嵐盃前見帆席我昔捫松  
蘿留詩在巖石別來踰十年俛仰歎陳跡君若

欵苔屏題書寄相憶

予少孤多病恒有憂生之嗟今年四十矣

日月于邁祿不逮養學未有聞使經衡  
山適遘初度矢痛申情爰成茲詠

飭駕辭桂嶺弭棹越江湘我行幾何時已涉萬  
里疆萬里豈漫遊王命肅所將咨詢徧原隰登  
眺窮崖岡聞昔太史公足跡好瓌竒東遊探禹  
穴南浮踰九疑山川激壯氣一以昌文章赧予  
誠薄陋懷古意慨慷男子始生朝弧矢懸門堂



春言四方志豈必懷故鄉  
睠彼孤黃鵠矯翮雲  
天翔啾啾茅簷下  
燕雀空榆枋

夜讌歌

琉璃清蕙肴盈錦燈瑤席張  
四楹華歌妙舞百  
伎呈夜行遊兮悅明星奉君  
玉觴前致誠上天  
垂休惠我明黃河之水今再  
澄天鷄鳴海鳥  
升願君舉觴且留情樂哉時  
乎方太平

吳偉畫

郭熙之死誰復同湖湘  
小仙今代雄慣將健筆

寫縑素江山平遠稱  
龙工洞庭瀟湘  
蓀何許積水長天  
迷處所沙邊老樹  
總呼風波上輕雲  
初散雨短棹扁舟  
競往還垂綸老翁  
意愈閑晴窗展  
玩心眼亂興在  
滄浪千里間

李學士薇園秋霽圖題贈

玉堂仙人入直還  
盡日閒園惟閉關  
展席平臨堦下樹  
開簾遙對几前山  
紫薇陰深日卓午  
石榻微涼過鳴雨  
礀道聲飛泉瀑寒  
雲根色飈莓苔古  
僊人步屨出幽林  
長嘯時聞鸞鶴音  
手揮



歷代詩選 明 顧 允 治  
絲筆吟芳杜目翫飛鴻彈素琴琴書偃傲有餘  
清竹窻今夜月華明誰言西掖絲綸貴更有東  
山蘿薜情

漁父

滄洲漁父人不識日暮移舟煙水寂沙頭野飯  
暫維梢蓬裏天涼自吹笛笛聲嘹亮度江門荻  
花楓葉滿秋村溪邊雲月長相待世上功名安  
足論

全州古松歌

全州古松大道邊白晝暝色行蒼煙谿迴路轉  
不知數直至興安陰接連蛟龍拏空勢欲舞往  
往呼號作風雨大枝曲鐵小枝盤偃蹇突怒如  
相忤時復一株樵樵斧槎牙無枝形獨古誰栽  
此松經幾禩國初太守名猶記勝蹟曾留學士  
題繁陰長與行人憇松風泠泠山寂寥松月皎  
皎明清宵遙想山中風月下定有鶴僊吹玉簫  
長至祁陽縣行禮時車駕北征  
使節祁陽逢至日縣庭班列覲天光卽看暖入



歷代詩選 明倫彙編  
深宮線正想風飄合殿香塞馬力應疲雨雪江  
鴻書不到衡湘寒雲落木催愁劇魏闕滄洲引  
聯長

聶君持梅雪卷請題走筆贈之

鷺沙尺書何日傳聶君近泊金陵船到門覽刺  
亟出迓丰度雅樸神條然書云此君樂幽尚十  
年寄跡江湖邊平生愛梅有真癖梅雪自號爭  
清妍瓊姿綽約種萬本茅屋正在春風前芒屨  
緩步石逕月拄杖獨徃青林煙有時臨流發孤

嘯風致鬚髯疑逋僊只宜跨驢學肩聳那復騎  
鶴思腰纏青蚨沽酒與之醉散髮岸幘歌青天  
吁嗟聶君亦不俗揮毫贈爾梅花篇

仰山置酒

春遊入古寺息駕在山阿不飲盃中物其如山  
色何泉聲間鐘磬草色上煙蘿向夕嵐霏起諸  
峰猿嘯多

泛舟

泛舟無俗情水送復山迎江色迷朝靄松陰轉



午晴穩依危石纜深傍綠蕪行吾已忘機事沙鷗莫漫驚

東溪晴泛

鐘峽出秀浦碧潭無限清日浮江色動舟蹴浪花輕盤石思垂釣滄浪愛濯纓沿洄意未極川暝月華明

郊行

沙路平如掌郊行吟望賒山圍四野碧溪抱一村斜松徑入僧寺草屋見漁家春風幾日到遍

園桃李花

夏日江亭贈客

江喧過雨時綠樹搖南颺歸客乘流下扁舟向我辭臺臨春望迥山遶旅行遲無限靡蕪草因君寄所思

拜陵廟作

六帝神遊迥諸陵御氣濃泉飛千尺瀑枝偃萬年松一自僊城閉徒看雲壑重遺弓小臣抱悵望鼎湖龍



謁泰陵

先朝趨禁陛今日上陵臺詎識龍驂遠猶疑寶  
扇廻雨垂蒼栢淚風動碧山哀千歲岐周下空  
傳鳳鳥來

下陵作

歸驂悵何適遲回陵路東還循白石逕遙下翠  
微宮冉冉開松霧飄飄墮澗風今宵有佳興明  
月萬山中

金山

寺擁金山古江流碧海深千年此形勝詞客幾  
登臨波浪浮香閣魚龍聽梵音晨風渡舟楫真  
有濟川心

少傅靳公歸丹徒

黃閣絲綸貴東山水石情留侯終謝病疏傳早  
辭榮江寺移舟近城居種竹清揮金會隣曲舉  
酒話昇平

崔子謝病還鄴懷寄

相送出郊寺獨歸愁郭門春塵涉遠道朝雨戀



芳樽幽夢時或到素心誰共論若為經濟略歸  
臥水雲村

徐侍讀別後寄贈

行輶望已遠悠悠那復親微霜映郊樹斜日暗  
京塵身病嗟行役情真念吐申惟應梅驛使頻  
寄薛園春

昔約去同載君去我留仍寧知赤驥尾不得附  
蒼蠅對酒歎宵月買棹怯寒水忽枉河洲翰離  
思渺然增

張侍御謫判晉州

舊日埋輪使中朝仰姓名忽聞遷客詔獨問晉  
州程暮雨留看劍長河對濯纓浮榮是何物且  
憊病身輕

登平虛山殿在永明殿之南巖洞甚奇

臺殿鬱岩堯登臨近九霄曙霞籠闕迥殘月帶  
城遙翔鳳金為闕飛虹玉作橋乘輿罷遊幸花  
色為誰饒

雨夕作



秋氣總成悲那堪積雨時客衣新授褐林葉故  
辭枝關塞書難問風波鬢易絲停舟問夕鴈渺  
渺向南馳

過彭城

十月彭城水臨觀勢渺漫客帆牽樹杪日夕畏  
風湍汴泗流爭長魚龍臥未安無人守茅屋寂  
寞傍江干

夕次醴陵

晨裝去萍邑夕駕憇長沙湖江通兩鎮井里帶

千家楓岼霜鳴葉蘆洲月暎花卽看臨桂水還  
喜泛星槎

下祝融宿南臺寺

山殿隱岩堯禪燈照寂寥亂峰臨宿靄古木認  
前朝桃水忽相失浮丘還見招欲誇松頂鶴吹  
笛遡丹青

早霽與計使君泛湘江遂登望嶽亭

倚棹江天豁移尊草閣幽到牕分嶽翠當檻寫  
烝流春至花經眼秋深月滿樓使君時對客詩



歷代詩選  
興遶滄洲

過雙龍寺

入谷嵐霏重開門松寺深灘流萬木罅蘿擁衆  
峰陰溪鷺仍寒浴潭龍或夜吟楚地多風雨春  
山不可尋

盧溝橋

逝波與行客汨汨無時休  
猊蟠明積雪虹飲巨  
長流曉月迷征騎春沙壓  
敝裘經過道傍寺  
思且淹留

贈邊太常黎銀臺北觀

莽莽龍河雪雙帆幾日開  
亦知從此別已是隔  
年回珂馬春城並衣冠  
曉仗催驛亭梅柳色來  
徃送行盃

勝泉寺宿

送行各已返獨宿在招提  
鐘漏臨城迥星河隔  
樹低方欣市喧寂轉覺客  
懷悽因歎勞勞者深  
慙蘿薜棲

題宮保孫公宜晚亭



翠屏無限好歷歷近青冥落景閒宜對高歌醉  
自聽浦帆依鳥盡巖柱向人青黃綺疑公是終  
朝輔漢庭

謁孝陵

社稷戎衣起梯航玉帛朝觀河功戴禹瞻廟祀  
宗堯石馬嘶空翠金鐙照寂寥遙看鐘阜上御  
氣滿層霄  
靈谷寺  
蓮宮青嶂合松門石逕重窈然深谷內疑與秦

人逢澗底藏餘雪窻中列秀峰寂寞支公宅惟  
聞朝暮鐘

歲初視篆呈潘公寅長

滌篆池冰暖開堂雪樹青春光動八極休氣協  
三靈北闕垂恩露南宮聚德星同志欣察案攄  
忠報 帝庭

晚次溱縣值雨是日聞車駕還京

松暝雨瀟瀟公庭坐寂寥城荒民戶少沙曠旅  
程遙渠喜通泉溜畦憐潤麥苗夜聞鑿輅返寬



夢繞丹青

通州城北通惠河登舟而賦河近歲濬治

舟達漕粟以免陸運之勞自此至京四

十里也

昔上鞚飛塏今來航素波中流牽錦纜臨泛興  
如何枕轉郡樓失篷開山翠多宛似吳堤上垂  
楊拂櫂歌

攝亭西陵行次舊功德寺作

蘋際冷風起颯然湖上秋遠波明島嶼層霧隱

林丘鳥下溪田熟鐘鳴谷寺幽馳驅念于役心  
賞若爲酬

曉入天壽山馬上作

黃覆依岡殿青連夾路松憑高一駐馬望氣欲  
成龍信與人境隔惟看雲壑重昨宵雷雨足飛  
瀑滿千峰

入白芒朱陂

岬岬溪流急山山篁竹多盤迴遵石徑迤邐度  
松坡深嶺皆宜木高田亦種禾喚鳩梅雨暗飛



歷代詩選 明 顧 外 卷 一  
燕麥天和池十晴蛙語村防夜虎過稍看民樂  
土還苦吏催科世事關愉戚生涯學醉歌清溪  
足魴鯉吾欲買漁箬

題李學士畫

杏閣依青嶂蘿軒俯綠疇路迷僊子宅花暗羽  
人丘水訝伊瀍澗山疑鄂杜幽傍岷交雜樹懸  
石下飛流谷曉催禽哢郊晴喚客遊誰言居玉  
署長此對滄洲

賜衣

宮衣錦段新宣賜徧臣鄰繡紋盤虎豹金彩織  
麒麟詔向龍沙遠頒從玉陛均拜登齊闕謝愧  
省獨墻循士節論辭受君恩愛笑頰禮看超等  
級勞豈効涓塵荷德乾坤大糜財府庫貧先朝  
題歲月諸道貢奇珍貂座儀章濫鷓梁諷諭陳  
縉紳皆用武輦輅尚留巡暗憶垂裳治虛慚挾  
纊仁日占青海使寒望翠華春未厭干戈役私  
嗟章甫身

過長陂



歷代詩選 明倫彙編 十七  
長陂鳥鳴初日暄遊子度嶺窮攀援行尋歇馬  
訪新廟望近蟠龍識古村春深尚喜林花盛雨  
後忽驚溪水渾野老相邀具鷄黍解鞍時復過  
柴門

鍾山遊眺

可憐春岫飛鷗鳥又見春山長薜蘿峰勢挿江  
谿路少峽門橫瀨水聲多蘋洲看雨維舟坐松  
嶠穿雲躡屐過見說此溪多釣伴月明來聽扣  
絃歌

觀雨作

東峰雨色遶前溪野樹江船望欲迷卷幔忽驚  
山霧入近村長聽水禽啼清憐松菊長茅屋深  
愛湍流滿稻畦故人門巷隔車轍多病青尊不  
可携

奉酬空同先生垂訪見詒

病來渾與故人疎珍重能勞長者車地僻柴門  
堪繫馬家貧蕉葉可供書鶯花對酒三春暮風  
雅聞音百代餘長願飲河心自足却愁和郢曲



歷代詩選 卷之六 難如

酬別張侍御

春風曾駐木蘭舟使節真看萬里遊攬轡霜威  
清瘴海停盃詩興滿滄洲天寒江縣城空閉秋  
旱山田穀未收多病有懷談莫盡送君分手重  
淹留

早春郊園寄友

東郊柳色遠依依忽憶佳人閉竹扉剡雪深  
回夜棹杜陵花發典春衣閒思步屨尋芳草醉

愛携壺上翠微不是賞心緣節物頻年離索故  
交稀

除夕和石潭學士時 車駕狩于榆林

更燒殘燭坐虛筵起視明星在遠天客夜盃盤  
隨俗舉城春花柳向誰妍愁心暗逐堦萸老芳  
訊頻經隴月圓身事流年那可道箕山終愧古  
人賢

符子冬暮發京南邁予日思之恨不能從  
也作此訊寄



歷代詩選  
北風日日河水壯愁病思君萬里行江上歸帆  
何日到天涯旅夢幾回成青春自改浮雲色幽  
谷虛傳好鳥聲逋客總貽猿鶴笑故山空繫薜  
蘿情

送進士陳則英歸覲

長安闕下送離觴才子寧親赴北堂已喜登科  
同片玉曾看作賦比長楊歸帆夜度閩川月舞  
袖春携漢殿香暫到故園非久別雲霄計日待  
鵷行

奉同溫宮諭移疾寺居之作

九衢車馬暗塵氛僊客西堂臥白雲靜愛市朝  
堪吏隱勝將泉石與僧分澄心夜對蓮花水秘  
典朝披貝葉文獨有可人期不至素琴蘿逕立  
斜照

西湖杭守置酒

朱幡翠幌在蘭舟綠水澄潭寫我憂雲破樓臺  
明曉日筵開簫鼓競春流煙中榭逕藏山寺蘋  
際菱歌起釣舟古木蘇堤頻悵望看君爲政繼



歷代詩選  
明倫彙編  
前修

集壽僧房錢少司成汪先生之南京和席

間韻

君去扁舟碧水陰古蘭幽荏藹芳襟移榻野鷗  
陪宴坐開尊江月照離心春鶯自解遷喬木海  
鶴誰應別故岑悵憶先朝供奉日西清鐘漏隔  
花深

行經長沙江寄易太史

酌酒看花興每濃十年林臥阻遊從常叅玉署

歸難竝遠使滄江去未逢世事總知榮木槿愁  
心空惜老雲松湘園門巷雲陽麗日對秋屏翠  
幾重

登嶽憇半山亭

孤亭翠嶺上層雲煙靄微茫曙欲分仙家鳥道  
迥莫到石壁猿聲清忽聞幽泉樹杪飛殘滴瑤  
草巖中吐異芬看拂丹青朱鳥近焚香先禮祝  
融君

南臺寺同常甫兄宿是夕聞欽之兄自攸



縣來會

香閣珠林倚半天兩人相對嶽峰眠  
羗村秉燭翻疑夢緱嶺乘鸞似下僊  
雲伴瘦筇過絕壁風傳清嘯隔蒼煙  
攸江亦有山陰興莫更虛迴半夜船

尋愚溪謁柳子廟

柳侯祠堂溪水上溪樹荒煙非昔時  
世遠居民無冉姓蹟竒泉石有愚詩  
城春湘岬雜花木洲晚漁歌清竹枝  
才子古來多謫宦長沙猶痛賈

生辭

山棗驛夜坐

沂嶺路岐仍渺渺拍林風雨更朝朝  
清溪傍竹聽蕭瑟小驛焚燈坐寂寥  
湘浦葉飛驚歲晚鈐山家在憶書遙  
垂垂一樹梅花白賴爾能將旅思消

暮次靈川懷寄大叅師舜憲副天益二鄉

丈

天南歲晚更依依朔雪寒雲遶樹飛  
投館驚看



歷代詩選 明 蕭 舟 涉 三  
風土異臨觴悵憶故人違情同灘水仍西注身  
似春鴻向北歸想見郵亭頻駐馬獨吟千嶂已  
針暉

發湘江

人日移舟湘水畔東風吹浪徹寒陰城邊柏葉  
留春酌沙際滄浪待客吟煙村小逕通漁浦石  
壁迴谿映竹林時向舟人問佳境前程幾處費  
登臨

陽春書院唐朱二侍御邀集

陽春院裏花仍發不飲其如春色何高臺曲沼  
人能到遲日濃煙景自多猶憐綠水飛鴻鴈更  
看蘭舟採芰荷章郡昇平異前日時邀驄馬一  
相過

楊侍御使蜀

江草萋萋江水長使輶聞欲度瀟湘開帆夜坐  
星河色載筆春吟杜若香綵繡過家非舊服皂  
囊還闕有新章西州五月無炎暑應避青驄滿  
路霜



喜雨和郭司業

入秋忽聽翻江雨長夏空瞻落檻雲  
頓失塵熇淨如洗乍迷山翠杳難分  
民情正望倉箱富神薦猶憑黍稷芬  
更喜清涼慰幽獨簡編遙夜坐  
焚膏

和顧華玉憲長遊天界寺之作

素衣那受市塵侵虛谷迢遙見此心  
苔逕客吟猿鶴靜石牀僧定薜蘿深  
高賢有意依蓮社開士何年建鷲林  
肯借玉琴酬雅興欲憑芳草寄

幽尋

遊洪陽洞

鶴馭鸞驂去不回林肩岫幌客頻來  
洞門日照煙蘿發巖竇泉飛雪屋開  
始驚竒僻非人境更愛攀臨坐石苔  
迴輿出谷千峰暝猿嘯禽啼萬壑哀

虎丘臨眺和朱侍御

翠嶺晴煙鎖鷲峰玉泉陰洞隱龍宮  
高攀雙樹青冥上俯瞰三吳宿靄中  
沙浦斷雲低度鳥石



歷代詩選 明倫彙編 詩部  
林修竹靜吟風禪房水石佳遊在塵世滄桑浩劫空

蕭子卜居梅林賦贈

溪上梅花玉作林溪邊茅屋苦寒侵孤山倚棹逢詩興潁水移家見客心日暮漁歌來浦溆雪晴花色上衣襟風塵擁傳勞爲郡時向滄洲寄一吟

贈張建寧太守

武夷煙月鎖潺湲露冕春行碧嶂間粉署却辭

僊直遠滄洲故與吏情閒 朝廷政賴循良寄間巷風從揖讓還精舍考亭松桂在爲收遺籍副名山

徐養齋方棠陵偕至喜而有作用浚川少

司馬韻

江上新傳李郭舟鶴汀鳧渚羨清遊誰知今日來千里似憶佳期渺十洲梧竹越山棲綵鳳風雲天路引驂騮相留擬下南州榻醉裏狂歌海月秋



和陳司馬元日早朝

衮袍當殿識威嚴黃表開函近  
御簾舜曆堯  
冀欣載紀日華天表慶同瞻  
赤葵心向青陽吐  
豐草恩隨湛露沾聞道塞垣新撤警  
聖謨賢  
略已先占

奉

詔陪祀祇壇西苑遊矚泛舟太液

和亭溪學士

祇壇奠璧曉光初法駕臨疇宿雨餘  
幕近爐煙  
浮羽仗林晴花色上簪裾  
身逢廣樂鈞天盛世

際淳風太古如農畝起家陪  
帝籓江鄉春事

憶郊居

僊舟春汎渺銀河桃杏紅芳水綠波  
日出芙蓉  
開帳殿風迴笙吹繞雲蘿汀洲鳧藻榮光滿樓閣  
煙花淑景多不是傳宣承  
帝澤豈緣天路  
得經過

使郢發京六部都察院通政司大理寺會

餞于報國寺

雙龍御節下重霄九棘芳筵集上僚冠蓋寵



行賓禮重山川銜命去程遙天香清楚留僧室  
霧樹啼鶯別市橋幸遇 聖明崇孝理願從南  
國采風謠

次襄陽

朔雪荒臺獨鴈飛楚鄉凝眺轉依依天連浦溆  
惟寒水山隱城臯已夕暉旅客競尋潼口住釣  
船閒傍鹿門歸龐公舊隱巖扉在悵望無因得  
息機

梅花泉同紫巖太宰遊次韻

聞道幽香臨絕澗偶尋遺跡一相過風前雪樹  
花難覓巖上霞箋字半磨苔逕客行青嶂遠石  
堂僧占白雲多塵駮此地應稀到洞口年年長  
薜蘿

至日集靈谷寺

青霞宿霧淨朝陰長笛洞簫悲遠林雲竇泉流  
孤壑靜石門風入萬松深迴廊古壁傳名畫墜  
葉微霜助梵音此地巖巒足幽勝歲時携酒一  
登臨



歷代詩選 明倫彙編 家範典 卷一百一十五  
至日上方吟送酒盡看鸞鶴在煙霞陽回嶰谷  
時方泰山繞鍾陵境自嘉林下幽香逢蕙草水  
邊春信見梅花習池賓客今名勝轉覺風流興  
未涯

金陵歲夜

舊都遺俗是昇平坐聽盈門鼓吹聲  
栢酒競傳知臘味土牛初獻識春耕  
萬家梅柳開煙市雙闕星河隱鳳城  
萍海客遊今老大自慙癯質玷華纓

寄題歐侍御碧溪草堂

柱史谿堂何處尋石潭沙島靜陰陰  
扁舟客到柴門近芳樹鶯啼草屋深  
霜簡皂囊酬夙志渚蘭汀芷寄閒心  
濯纓擬和滄浪曲抱膝還爲梁甫吟

王銀臺北上識別

長安里第似幽居水石流傳亦到予  
芳會更移泉上酌舊題多認竹間書  
爐峰遶洞山常近書帶縈堦草未除  
君去好隨天闕鳳吾衰終釣楚



歷代詩選

明倫彙編

江魚

送大司寇周公致政

海東歸駕杳難攀，松桂清陰滿舊關。  
老境正逢開口笑，畏途誰得乞身還。  
花邊曳杖吟隨鶴，湖上移舟坐看山。  
簪笏有人能繼美，恩波長在五雲間。

陳中丞年兄陞大理卿還

朝贈別

卿月招回入紫微，法星迢遞別南圻。  
江波共惜僊帆遠，臺路爭看繡斧歸。  
松栢晚當水澗立，鵝

鸞春傍禁林，飛江東雲樹遙。相憶榜下同年大覺稀。

大司馬劉公宅翰林諸寮修瀛洲會限韻

鍾山晴對草堂青，勝日芳筵更此庭。  
花霧竹煙籠氣色，漢雍唐省備儀刑。  
直令渾噩追三代，坐見文章似六經。  
却憶北扉供奉日，幾回鐘漏視明星。

烹茶燒竹坐談經，正愛清香滿戶庭。  
賴有琴觴能遣俗，都無案牘可勞形。  
上林梧竹棲羣鳳，東



壁文章紀二星他日漢家麟閣上願期勲業在  
丹青

答潘石泉年兄見贈

塵壒驅馳愧我形鬢衰非復少時青偶隨冠佩  
登仙署未有涓埃報帝庭省閣優閒無吏牘  
山川名勝有圖經江湖敢替憂君念夜夜頻  
瞻紫極星

贈馮郎中

楓岍沙汀江上秋若爲遙駐木蘭舟含香舊侶

辭僊署剖竹新恩寄遠州適楚更題鸚鵡句登  
臺那憶鳳凰遊天涯勸爾頻加飯壯志平生不  
易酬

贈惲郎中出守溫州惲前歷均郢二州也

東際鯨波郡國寬魚符新輟漢郎官循良舊望  
人先喜山水佳遊路豈難齋閣靜依棠樹憩海  
天晴得蜃樓看相知未久那成別遙聽賢聲爲  
爾懽

南京吏部後圃池亭



歷代詩選 明倫彙編 家範典 學行典 忠孝典 卷一百一十五  
一泓長湛鏡中天，欄檻憑高得月先。砥道省中持簡牘，不知窻外有林泉。幽篁拂座能蠲俗，老檜凌霜不記年。誰信仙曹兼吏隱，詩成莫遣外人傳。

正月十七日，竹林諸寮於敝寓山池爲瀛洲之會，闔一得七言近體。

客邸長安水竹居，堪八座擁朝裾。幔亭正啓神僊宴，花逕初停耆車幽。洞駐雲迷紫翠碧，池消雪漾清虛莫。菲薄無供給，留取新題石。

上書

西園賦贈徐六公子，用陳侍講韻。此地卽

鳳臺遺址。

幽人宴息在林園，不信城闌車馬繁。鏡裏芙蓉臨玉沼，煙中樓閣俯青原。荒臺鳳去雲俱寂，茂苑鶯啼日自暄。合有神僊來此地，時占紫氣候前軒。

暮春集鷄鳴山閣

勝侶携尊興不違，春山高閣坐忘歸。濃煙密樹



歷代詩選 卷之五  
深相映麗日澄湖迥自輝清磬乍隨僊梵遠異  
花時仿佛筵飛真從畫裏看京邑更與攀蘿上  
翠微

除夕

盃湛燈明深客堂促陰浮跡笑塵忙病來漸覺  
形容老靜後渾於歲月忘星斗逼簷知夜永壠  
畦融雪小年康朝衣細整聽鐘漏正想氤氳漢  
殿香

贈呈立赴曲江丞

童稚情憐硯石親雪牕螢館共悲辛那堪老至  
思前事恐向天涯別故人對酒莫辭寒夜醉折  
梅應寄遠江春河陽小試君休歎遙聽賢聲慰  
吏民

祇役戚園覽遊西山諸寺

西峰東嶮鳴鐘近寶刹珠林處處來松逕駐驂  
僧吹發石溪流葉寺門開始驚鳥道看難到漸  
入雲根興轉催年去尚嗟筋力在夕陽重上最  
高臺



平坡寺在西山之巔境甚奇峻攀磴而陟  
俯眎萬壑予爲禮侍一至今十年矣  
入門雙樹欲參天爲禮雲峰一爽然長向省曹  
迷簿領恐令心賞負風煙乍聞鐘梵千林上徒  
倚蒼茫獨鳥前再入南宮容鬢改山僧猶記昔  
遊年

和宗伯託翁雨宿浣花草堂

臥聽西巖風雨生草堂蕭颯一燈明竝枝宿羽  
深愁濕遶竹飛泉倍覺鳴仲蔚蓬蒿連宅徑少

陵花鳥入詩情故園已是滄洲別華省猶傳白  
雪聲

送許少宰之南都

香案携經直九重留曹聊復借高蹤渡江風  
送僊舟鷁望氣雲蟠帝宅龍東郡掃松還駐  
節北書將橘謾題封舊遊回首難忘地座倚修  
篁夕翠濃

贈甘几山少保

尚書投笏賦西歸擁傳承恩倍有輝鷗夢却便



歷代詩選 明眉介注 三  
洲渚靜鴻冥真與世塵遠留侯穀爲尋僊辟疏  
傳金從宴客揮獨有丹心仍戀主夜瞻星斗  
望彤闈

贈盧睿卿司業

南舟遙問秣陵程北客初諳作宦情海近雲霞  
連北固宮深鐘漏隱西清才名早已儲三館形  
勝真堪賦兩京自昔成均師道重諸生今喜得  
陽城

壽白菴趙翁石埭之父

郎官闕下拜恩初歸觀高堂樂有餘異代王孫  
傳舊譜清時逋客賦閒居身安豈問還丹訣興  
逸惟耽種樹書頻報家音知善政江間容易得  
雙魚

贈錦衣徐少東奉使滇南因述舊遊奉寄  
尊翁東園親丈致予懷仰之私

信陵池館帝城隈幾坐層軒共舉盃疊石却爲  
栖鳳島並湖因作釣魚臺別來景物聞增勝老  
去流年惜暗催欲賦前遊那可再暮雲江樹首



頻回

題西湖景畫

一帶雲峰望却無六橋煙樹隱模糊夕陽樓閣  
林藏寺芳草汀洲水滿湖蘇相堤橫蒼逕遠逋  
僊宅傍碧山孤畫圖云是西湖景曾到西湖似  
畫圖

贈袁懋淳太史

燕谷回春春色晴爲斟春酒送君行過鄉草引  
王孫路投館花迎漢使旌太史壯遊窺禹穴侍

臣僊籍繫蓬瀛南宮第一題名日曾記君王問  
長卿

贈嚴敏卿太史使河南遂奉親歸吳

頒封啣命促征車奉使隨親樂有餘覽德正翔  
阿閣鳳承懽應饌越溪魚鶯花江畔逢春早冰  
雪途中見歲除莫向梁園輕授簡須知文價重  
璠璣

贈趙大理之南寺

茲行堪慰宦遊情驄馬翩翩識舊程憲府名高



周柱史留都班列漢公卿雲中玉殿朝陵近  
樹裏玄湖坐寺清人道釋之能執法一時刑獄  
自稱平

題雙松卷

庭中雙松樹柯葉何青青歲晚巖居子相期來  
鬪苓

雨泊鳳州酬寄朝望太守

鴉濕波翻木鷗喧雨滿洲離心何處是暝色載  
孤舟

賜葫蘆畫五對

殿裏皆高手丹青繪事奇宛疑臨水石春色上  
花枝

奉勅賜禁中乘馬

天閑神駿勅教騎長奉傳宣過苑堤因是翠  
華宸蹕近柳邊深隱不聞嘶

賜太液乘舟

蘭舟演漾水雲空花葉田田島嶼風棹入瓊波  
最深處玉樓金殿影西東



詔賜金海乘涼

林陰深靜鳥聲和  
溽暑全消爽氣多  
太液池頭夜來雨  
微風新綠水層波

西山雜詩

本朝陵墓壯西山  
松柏神宮未可攀  
獨有中官奉祠祀  
石房煙火翠微間

澗松巖石蔭秋蘿  
貪看青山寺寺過  
歸鳥數行西日外  
樹煙橫碧晚鐘多

嶽下贈常甫兄

白玉堂中鵷鷺羣  
十年江海歎離分  
豈意與君逢此地  
亂山携酒看飛雲

雪霽堂遲欽之

遠信初聞近復疑  
西堂清怨獨吟詩  
須臾松逕傳銀燭  
顛倒風亭洗玉卮

湘山寺唐無量壽佛示寂

雲嵐坐湧巖扉暝  
薜荔行遮塔逕斜  
兩日炎川病如洗  
湘山寺裏見梅花

興安縣



破屋古松喧夕籟遠峰寒霧起層陰梅花兩岫  
灘江水歲晚相隨到桂林

雲嵐坐底巖前知無幾行盡秋聲豈待日入山

臨山古寺無量壽觀示寂

野城瀟瀟四角亭北風

鼓訖隨風或外或西堂青翠隔仙館庚史公詩

雲峯古寺到於今

白玉堂中識舊學十五年來人集卷一百九十一





程